

SIMON PEDRO TAPUNACUNAHUAN ESTUDIANA

Capítulo 3

1^o Pedro 3
Provisional
Pastaza Quichua
1.986

Quito

22 de junio de 1.986

Ñuca llaquishca quiric aillu,
Casna estudianata
gustanguichu. Camba aillugunata yachachinguichu
tucui can yachaushcata.

Ima tuputa yuyaihuan
yachashcangui. Yuyaihuan yachashaga maitas purisha
camba shungui Diospa shimita yuyaringuimi.

Caran leccionda ishcai
cutinda ricunguichu. Ishcai cutinda ricui, chihuasha
tapunagunata quillcangui. Caran versiculoi chi tapu-
nagunata tupanguimi.

Cai capítulo 3ta estudiacpi
Yaya Diosta mañani can ali intingahua. Dios canda
bindisiachun, Señor Jesucristo canhuan purichun, Santo
Espiritu canda yachachichun. Chillata rimani.

Carolina

CAP 3

CADSARASHCAGUNAMA CUINTANA

1-2. Huarmigunaga, canguna carita uyana manguichi. Diosta llaquisha ali causacpi camba cari Diospa shimita cunan mana uyac ashallata can mana camachigllaita can ali causaucta ricusha pai Señor Jesucristota quirinata munangami.

3-4. Canguna ali tucusha nisha ama jahua carallaibi ricurichun

astahuanbas shungu ucumanda aliguna llucshichun. Chasna aligunaga mana chingaringachu. Chita yachasha ama jahua carallaibi churarinata yapa yuyaringuichu, chasnallata camba acchata alita rasha, balic hualca muyugunatas aretegunatas ali batata churarisha ama yapactas yuyaringuichu. Jahua caraibi churarishcagunaga shug ratulla ali ricurishcahuasha pasanmi. Can randi ali sumac tucusha nisha mana piñarisha, camba shungu ucumanda mansu asha, alita yuyarisha, ali sumac ricuric cuinta tucunguimi. Chasna sumacyachisha Diospacpi yapa ali ricuringuimi. 5. Ñaupá uras Diosta quiric

huarmigunaga chasna rasha causasha ali sumac ricurishcaunami paiba carita ali llaquinahuan uyasha. 6. Camba ñaupá causac apamama Saraga paiba cari Abrahanda alita uyasha causac ashca. Paiba carita uyac asha paimi ñucata mandac apu an nishami rimasha causagashca. Cangunaga alita causasha imatas ama manzhasha pai cuinta tucunguichimi. 7. Cariguna chasnallata canguna huarmita alita llaquisha paihuan causaichi. Pai canmanda mas pishi jursayuc ashallata canhuan

pariu Dios cushca huiñai causaita charinmi. Camba huarmita mana alita llaquiupi Dios can mañashcata mana uyangachu. Chasna yachasha causaichi.

Tapunaguna 3.1-7

1-2 Quiric huarmi ima rashata paiba carita quirichinata
ushan. _____

3-4 Ima aligunata mana chingaringa. _____

5 Naupa quiric huarmiguna imasna rashata ali sumac
ricurinaura. _____

6 Sara pai carihuan imasnata causara. _____

7 Cariguna imasna rashata paiba huarmihuan causana. _____

Imata racpita Dios can mañashcata mana uyanga. _____

TUCUI KUNAGUNATA ALITA YUYARISHA RAICHI

8. Cunanga tucui canguna quiricgunata rimani Diosta shuc yuyayillahuan yuyarisha causaichi. Pariu alita yuyarichi. Quiquin huauqui cuinta quiric puralla llaquinacusha causaichi. Ama canllata yuyarisha causaichichu randi shucgunatas yanapanata yuyarisha causaichi. 9. Cangunata mana alita racgunata ama chasnallata raichichu. Cangunata mana alita rimacgunatas ama chasnallata rimaichichu. Randi paigunata alita rimasha yanapaichi, Dios paigunata yanapachun nisha mañaichi. Dios cangunata japira canguna alita rangahua, chiraigu cangunata mana alita rimacgunata mana alita racgunatas alitahuan ricuchichi. 10. Chimanda Diospa shimibi mas yachachiusha casna riman:

Maicanbas cushihuan purinata munashaga
mana alita ama rimasha purichun.
Alita causanata munashaga
ama llullasha causachun.

11. Mana ali ranagunata saquisha alita rachun,
ali mansu mana piñarina yuyaita japisha
causachun.

12. Mana alita racgunata Dios mana gustanzhu,
randi alita racgunata pai ricusha cuiranmi,
paiguna paita mañacpi uyanmi.

Chasna nisha Diospa shimii quillcashcami.

Tapunaguna 3.8-12

8 Ima cuintata llaquinacusha causaichi. _____
 Canllata yuyarina randimanda imasna yuyarinata. _____

9 Ñucanchita mana alita racgunata imásata rashun.

(1) _____

(2) _____

Dios imangahuata ñucanchita japira. _____

10 Maicambas cushihuan purinata munashaga imasnata rana.

11 Manalita saquisha imasnata causashun. (1) _____

(2) _____

12. Mana alita racgunata yaya Dios gustanzhu. _____

Diospa shimi imatata nin alita racgunamanda.

(1) _____

(2) _____

TURMINTARINA TIYACPI IMASNA RANATA

13. Chasna acpi canguna alita rasha caticpi pita cangunata huaglichinga. 14. Randi canguna alita rashcagllaita turmintachishca tucushaga cushi anguichimi. Cangunata piñacgunata ama manzhaichichu, ama llaquirisha nusparichichu. 15. Jesucristo ñucanchita mandag apu ashcata yuyarisha causaichi. Can imangahuacta Jesucristota quiric tucushcangui nisha tapunaupi puruntuichi paigunata yachashcahuan pasacta rimangahua, mana piñarisha mansu shunguhuan rimasha. 16. Diospacpis runagunais alita purichi shucguna mana imaibis cangunamanda mana alitas rimangahua. Canguna Jesucristota quirishcaraigu maicanbi shucguna cangunamanda mana alita rimanaunma. Chasna rimashallata canguna ali rashcagunata ricusha chi yanga rimacguna pingaringaunami. 17. Sirtumi mana alita rashcamanda turmintarina tucun. Chi randimanda Dios munashcata alita rashcamanda can turmintarina tucucpi mas alimi. Chasna Dios munacpi alita rashcamanda turminterisha alimi nisha rimanguichi.

Tapunaguna 3.13-17

13-14 Ñucanchi alita rashca agllaita turmintachishca
túcushaga imasna táshun. _____

14 Ñucanchita piñacgunata imasta rashun.(1) _____
(2) _____

15. Pi ñan ñucanchita mandac apu. _____
Canda tapucpi imangahuacta Jesucristota quiringui nisha
tapucpi imasnata chapashun rimangui. _____

16 Imamándata canda piñacguna pingarinaunga. _____

17 Chi ishcai turmintarinaga ima ñan.

(1) _____
(2) _____

JESUCRISTO TURMINTARISHCAHUASHA BALIC TUCURA

18. Jesucristota yuyarichi. Pai alita rashallata mana alita rac runaguna paita turmintanaura. Pai ñucanchi juchata jichungahua shuc cutinlla huañura ñucanchita Diospagma pushangahua. Paiba aichalla huañushca randi paiba almaga mana huañushcachu. 19. Paiba causac almahuan chi unai huañushca runaguna almahuagma rimangahua rishca. 20. Chi huañushcagunaga Diosta mana uyacgunachu anaushca. Callari uras Noé shuc jatun barcota raushcai Dios chapaushca paiguna uyangahua. Randi mana uyashcauna. Chi barcoi pusac runalla yacumanda quishpichishca tucushcauna. 21. Chi yacuga yuyachin quiricguna bautisarinata. Chimanda quishpichishca anchi. Mana bautisarishcanchi ñucanchi aicha pichashca tucungahua randi bautisariusha Diosta mañanchi ñucanchi causai jucha illac tucungahua. Jesucristo cuti causarishcamanda quishpishca tucunchi. 22. Pai jahuapachama risha Dios paita yapa balichishcamanda Diospa ali maqui partibi tiarishca paihuan pariu mandangahua. Cunan Jesucristo yali jatun mandac apu tucushcamanda tucui angelguna tucui mandacgunas tucui supaigunahuas paita uyana manaun.

Tapunaguna 3.18-22

18 Nucanchi turmintariushcai pitata yuyarishun. _____

Nucanchita Diospagma pushangahua Jesucristo mas cutinda
huañura. _____

Jesucristo aicha huañugllaita alma huañurachu. _____

19 Paiba causac alma maimata rira. _____

20 Noé chi barcota raushcai camachicpi runa
uyanaurachu. _____

Masna runata quishpinaura. _____

21 Imangahuata bautisarinchi. _____

Imañandata quishpishca tucunchi. _____

22 Dios Jesucristota balichishcamanda imasta rara. _____

Jesucristo jatun mandac apu tucushcamanda maicangunata
paita uyana anaun.(1) _____

(2) _____

(3) _____

Tucuchina punzha _____
(punzha - quilla - huata)

Ñuca shuti _____

Capítulo 4ta munani mas yachangahua _____